

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

**R J E Š E N J E**

**koncentracija privrednog subjekta ČEZ a.s. Prag, Republika Češka i privrednog subjekta Mješovitog Holdinga "Elektroprivreda" Republike Srpske Trebinje - Matično preduzeće a.d. Trebinje, Trebinje, Bosna i Hercegovina**

**Sarajevo**  
**mart 2007. godine**



Broj: 01-02-26-021-9-II /06  
Sarajevo, 22.03.2007. godine

Na osnovu člana 25. stav (1) tačka e), člana 42. stav (1) tačka d), člana 43. stav (2) a u vezi sa čl. 12. stav (1) tačka c), 14.,16. i 18. Zakona o konkurenciji ("Službeni glasnik BiH", broj 48/05) i člana 193. stav 2. Zakona o upravnom postupku ("Službeni glasnik BiH", broj 29/02), rješavajući po zajedničkoj Prijavi namjere koncentracije privrednog subjekta ČEZ a.s, Prag, Republika Češka i privrednog subjekta Mješoviti Holding "Elektroprivreda" Republike Srpske Trebinje - Matično preduzeće a.d. Trebinje, zaprimljene pod brojem 01-02-26-021-II/06 dana 12.12.2006. godine, Konkurencijsko vijeće, na 42. (četdesetdruoj) sjednici održanoj dana 22.03.2007. godine, donijelo je

### **R J E Š E N J E**

1. Ocjenjuje se dopuštenom koncentracija koja će nastati na tržištu proizvodnje i distribucije električne energije u Bosni i Hercegovini na osnovu zajedničkog ulaganja na dugoročnoj osnovi nezavisnog privrednog subjekta ČEZ a.s. Prag, Duhova 2/1444, Prag, Republika Češka i privrednog subjekta Mješoviti Holding "Elektroprivreda" Republike Srpske Trebinje - Matično preduzeće a.d. Trebinje, Stepe Stepanovića b.b., Trebinje, Bosna i Hercegovina.
2. Ovo Rješenje je konačno i upisuje se u Knjigu registra koncentracija.
3. Ovo Rješenje bit će objavljeno u "Službenom glasniku BiH", službenim glasilima entiteta i Brčko Distrikta Bosne i Hercegovine.

### **O b r a z l o ž e n j e**

Privredni subjekt ČEZ a.s. Prag, Duhova 2/1444, Prag, Republika Češka i privredni subjekt Mješoviti Holding "Elektroprivreda" Republike Srpske Trebinje - Matično preduzeće a.d. Trebinje, Trebinje, Stepe Stepanovića b.b., Bosna i Hercegovina putem ovlaštenog punomoćnika advokata Seada Miljkovića, Fra Anđela Zvizdovića broj 1, Sarajevo (u daljem tekstu: podnosilac Prijave) su podnijeli Konkurencijskom vijeću zajedničku Prijavu namjere koncentracije (u daljem tekstu: Prijava) kojom namjeravaju zajedničkim ulaganjem na dugoročnoj osnovi baviti proizvodnjom i distribucijom električne energije.

Prijava je podnesena Konkurencijskom vijeću, dana 12.12.2006. godine, u skladu sa članom 16. stav (1) Zakona o konkurenciji (u daljem tekstu: Zakon).

Prijava je podnesena kompletna pa je Konkurencijsko vijeće, dana 01.02.2007. godine podnosiocu Prijave dostavio Potvrdu o prijemu kompletne i uredne Prijave (broj: 01-02-26-021-3-II/06), u smislu člana 30. Zakona.

Podaci iz Prijava, u smislu člana 16. stav (3) Zakona, su objavljeni u dnevnim novinama, dana 15.02.2007. godine, i u ostavljenom roku od 15 dana nije bilo nikakvih pisanih komentara dostavljenih Konkurencijskom vijeću.

U postupku ocjene Prijave utvrđene su sljedeće činjenice:

## **1. Pravni osnov i oblik koncentracije**

Pravni osnov Prijave je Ugovor o osnivanju privrednog društva "Nove elektrane Republike Srpske" sa ograničenom odgovornošću za proizvodnju i prodaju električne energije sa sjedištem u Gacku, zaključen između podnosilaca Prijave, dana 04.12.2006. godine.

Pravni oblik koncentracije je zajedničko ulaganje na dugoročnoj osnovi dva nezavisna privredna subjekta koji djeluju kao nezavisni pravni subjekti, u smislu člana 12. stav (1) tačka c) Zakona.

Podnosilac Prijave, u smislu člana 30. stav (2) Zakona, je naveo da Prijava nije podnesena nekom drugom organu za ocjenu koncentracije van teritorije Bosne i Hercegovine.

## **2. Učesnici koncentracije**

### **a) Privredni subjekt ČEZ a.s. Prag**

Privredni subjekt ČEZ a.s. Prag je jedna od većih elektro-kompanija u centralnoj i jugoistočnoj Evropi sa sjedištem u Pragu, registrovana u Trgovačkom registru u Mjesnom sudu u Pragu pod brojem 45274649, odjel B, uložak 1581.

Osnovna djelatnost privrednog subjekta ČEZ a.s. Prag je proizvodnja i distribucija električne i toplotne energije, trgovina električnom energijom, razvoj električne opreme i revizija električnih postrojenja. Privredni subjekt ČEZ a.s. Prag je preko svojih povezanih privrednih društava prisutan u Savieznoj Republici Njemačkoj, Republici Poljskoj, Republici Mađarskoj, Republici Slovačkoj, Republici Rumuniji i Republici Bugarskoj.

Ostvareni ukupan prihod učesnika koncentracije privrednog subjekta ČEZ a.s. Prag u svijetu, u smislu člana 14. stav (1) pod a) Zakona, u godini koja prethodi predmetnoj koncentraciji je (..)\*\*<sup>1</sup> KM.

### **b) Privredni subjekt Mješoviti Holding "Elektroprivreda" Republike Srpske**

Privredni subjekt Mješoviti Holding "Elektroprivreda" Republike Srpske Trebinje - Matično preduzeće a.d. Trebinje registrovan je u sudskom registru Osnovnog suda u Trebinju pod registarskim brojem RU-1-1312-00.

Osnovna djelatnost privrednog subjekta Mješoviti Holding "Elektroprivreda" Republike Srpske Trebinje - Matično preduzeće a.d. Trebinje je proizvodnja i distribucija električne i toplotne energije.

Privredni subjekt Mješoviti Holding "Elektroprivreda" Republike Srpske Trebinje - Matično preduzeće a.d. Trebinje u svom sastavu ima pet povezanih preduzeća za proizvodnju električne energije, pet preduzeća za distribuciju električne energije i istraživačko razvojni centar energetike sa većinskim pravom vlasništva i to:

- Rudnik i Termoelektrana Gacko a.d. Gacko,
- Rudnik i Termoelektrana Ugljevik a.d. Ugljevik,
- HE na Trebišnjici a.d. Trebinje,
- HE na Drini a.d. Višegrad,
- HE na Vrbasu a.d. Mrkonjić Grad,
- Elektrokrajina a.d. Banja Luka,

---

<sup>1</sup> (..)\*\* Podatak predstavlja poslovnu tajnu

- Elektro Doboj a.d. Doboj,
- ElektroBijeljina a.d. Bijeljina,
- Elektrodistribucija Pale a.d. Pale,
- Elektrohercegovina a.d. Trebinje,
- Istraživačko razvojni centar energetike a.d. Istočno Sarajevo.

Ostvareni ukupan godišnji prihod učesnika koncentracije privrednog subjekta Mješoviti Holding «Elektroprivrede» Republike Srpske na tržištu Bosne i Hercegovine u godini koja je prethodila koncentraciji je (..)\*\* KM.

Konkurencijsko vijeće je utvrdio iz navedenih podataka da postoji obaveza prijave namjere koncentracije s obzirom da su ispunjeni kriteriji ukupnog ostvarenog prihoda privrednih subjekata učesnika koncentracije na tržištu roba i usluga u godini koja je prethodila predmetnoj koncentraciji u smislu člana 14. Zakona.

### **3. Procjena koncentracije**

Ugovorom o osnivanju “Nove elektrane Republike Srpske”, privrednog društva sa ograničenom odgovornošću za proizvodnju i prodaju električne energije Gacko je regulisano da učešće privrednog subjekta ČEZ, a.s. Prag predstavlja 51,0% osnovnog kapitala, a učešće privrednog subjekta Mješoviti Holding “Elektroprivreda” Republike Srpske Trebinje - Matično preduzeće a.d. Trebinje iznosi 49,0% osnovnog kapitala. Predmetnim Ugovorom je predviđeno da će se osnovni kapital “Nove elektrane Republike Srpske” d.o.o. Gacko povećavati na način da će privredni subjekt ČEZ, a.s. Prag svoje učešće povećavati novčanim ulaganjem u osnovni kapital, a privredni subjekt Mješoviti Holding “Elektroprivreda” Republike Srpske Trebinje - Matično preduzeće a.d. Trebinje na način da će ulagati osnovna sredstva kroz opremu i sirovinu i na kraju u cjelosti izvršiti pripajanje Rudnika i Termoelektrane Gacko tom privrednom društvu, s tim da će i nakon toga udio privrednog subjekta ČEZ, a.s. Prag u novom privrednom subjektu biti najmanje 51,0% u osnovnom kapitalu.

Zajedničkim ulaganjem na dugoročnoj osnovi učesnici koncentracije namjeravaju da do 2013. godine izgrade novi rudnik i termoelektranu snage od 600-700 MWh.

Konkurencijsko vijeće ocjenjuje dopuštenost predmetne koncentracije nastale zajedničkim ulaganjem na dugoročnoj osnovi na relevantnom tržištu proizvodnje i distribucije električne energije, kroz analizu relevantnog tržišta.

Članom 3. Zakona i čl. 4., 5. i 6. Odluke o utvrđivanju relevantnog tržišta (“Službeni glasnik BiH”, broj 18/06) određeno je relevantno tržište određenih proizvoda ili usluga koje su predmet djelovanja privrednih subjekata na relevantnom geografskom tržištu.

Konkurencijsko vijeće je utvrdio da relevantno tržište proizvoda i usluga učesnika koncentracije u predmetnoj koncentraciji je proizvodnja i distribucija električne energije.

Relevantno geografsko tržište za predmetnu koncentraciju je teritorija Bosne i Hercegovine.

Slijedom navedenog, Konkurencijsko vijeće je kao relevantno tržište za predmetnu koncentraciju utvrdio tržište proizvodnje i distribucije električne energije na teritoriji Bosne i Hercegovine.

U Bosni i Hercegovini u oblasti proizvodnje i distribucije električne energije djeluju tri odvojena privredna društva, i to dva u Federaciji Bosne i Hercegovine i jedno u Republici Srpskoj.

U skladu sa Ugovorom o osnivanju izgradnjom novog rudnika i termoelektrane "Nove elektrane Republike Srpske" d.o.o. Gacko pojaviće se i četvrti nezavisni privredni subjekt koji će se baviti proizvodnjom i distribucijom električne energije.

Izgradnjom nove termoelektrane, koja je predviđena 2013. godine u Gacku, kada se u potpunosti očekuje liberalizacija tržišta električne energije u Bosni i Hercegovini, dovešće do pojačane konkurencije na relevantnom tržištu električne energije u Bosni i Hercegovini.

Predmetna koncentracija omogućiće povećanje kvaliteta usluga na tržištu električne energije, sniženja cijena električne energije, ponuditi veći broj usluga potrošačima električne energije, kao i povećati pouzdanost snabdijevanja električne energije obezbjeđenjem dovoljne količine električne energije za sve potrošače.

Odobranje navedene koncentracije koja nastaje na bazi zajedničkog ulaganja na dugoročnoj osnovi dva nezavisna privredna subjekta osnivanjem privrednog subjekta "Nove elektrane Republike Srpske" d.o.o. Gacko, koji će se baviti proizvodnjom i distribucijom električne energije istovremeno ne podrazumijeva da je odobrena i koncentracija privrednih subjekata Rudnika i Termoelektrane Gacko i "Nove elektrane Republike Srpske" koja će nastati kako se navodi u Prijavi nakon izgradnje novog rudnika i termoelektrane. Stoga je potrebno podnijeti novu prijavu namjere koncentracije kada se bude vršilo pripajanje privrednih subjekata Rudnika i Termoelektrane Gacko "Novoj elektrani Republike Srpske".

Cijeneći sve iznesene činjenice i podatke, Konkurencijsko vijeće je ocijenio predmetnu koncentraciju dopuštenom u smislu člana 18. stav (2) Zakona kao što je navedeno u dispozitivu ovog Rješenja.

#### **Administrativna taksa**

Na ovo Rješenje Podnosilac prijave u skladu sa Odlukom o administrativnim taksama u vezi sa procesnim radnjama pred Konkurencijskom savjetom ("Službeni glasnik BiH", broj 30/06) i u skladu sa članom 2. tarifni broj 107. stav (1) pod d) obavezan je platiti administrativnu taksu u iznosu od 2.500,00 KM u korist Budžeta institucija Bosne i Hercegovine.

#### **Pouka o pravnom lijeku**

Protiv ovog Rješenja nije dozvoljena žalba. Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema ovog Rješenja, odnosno od dana njegovog objavljivanja.

**Predsjednik**

**Gordan Raspudić**